

## Հ Ա Ս Ա Գ Ո Ր Ծ Ա Կ Ց ՈՒ Թ Յ Ա Ն Հ ՈՒՇԱԳԻՐ

07.03.2019թ.

ք. Գավառ

«Գավառի պետական համալսարան» հիմնադրամը (այսուհետ՝ ԳՊՀ), ի դեմս ռեկտոր Ռուզաննա Հակոբյանի, ով գործում է ԳՊՀ կանոնադրության հիման վրա՝ մի կողմից և «Շիրակի Մ. Նալբանդյանի անվան պետական համալսարան» հիմնադրամը (այսուհետ՝ ՇՊՀ), ի դեմս ռեկտորի պաշտոնակատար Երվանդ Սերոբյանի, ով գործում է ՇՊՀ կանոնադրության հիման վրա՝ մյուս կողմից (այսուհետ՝ «Կողմեր»), հիմք ընդունելով միջբուհական համագործակցության ապահովման, կողմերի գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր)՝ հետևյալի մասին.

### 1. Հուշագրի առարկան

1.1. Հուշագրի առարկան Հայաստանի Հանրապետության օրենսդրության հիման վրա Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտականությունների սահմանումն է:

### 2. Հուշագրի նպատակը և համագործակցության հիմնական ուղղությունները

2.1. Հուշագրի նպատակը Կողմերի միջև կրթական և գիտահետազոտական ոլորտներում գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

- ա) ԳՊՀ-ում և ՇՊՀ-ում իրականացվող կրթական ծրագրերի մասին տեղեկությունների տրամադրում, համատեղ կամ կրկնակի որակավորմամբ կրթական ծրագրերի իրականացմանն ուղղված աշխատանքների քննարկում և կազմակերպում,
- բ) ԳՊՀ-ում և ՇՊՀ-ում մշակված առարկայական ծրագրերի, կրթական ծրագրերի արտաքին փորձագիտական գնահատման աշխատանքների իրականացում,
- գ) սովորողների և պրոֆեսորադասախոսական կազմի անդամների ակադեմիական շարժունության իրականացում՝ նախապես հաստատելով փոխանակման պայմանները, ֆինանսավորումը,

- դ) կրթական ծրագրերի և (կամ) առանձին դասընթացների համատեղ մշակում՝ սովորողների համար հնարավորություններ ստեղծելով կրթություն ստանալու նաև հեռավար ուսուցման միջոցով,
- ե) սովորողների և դասախոսների մասնագիտական վերապատրաստումների, վարպետության դասերի, կլոր սեղանների, թեմատիկ բանավեճերի կազմակերպում,
- զ) համատեղ գիտահետազոտական ծրագրերի իրականացում,
- է) ԳՊՀ-ի և ՇՊՀ-ի գիտական ամսագրերում համատեղ ուսումնագիտական հետազոտությունների արդյունքների հրատարակում,
- ը) Կողմերի ուսանողների գիտահետազոտական, գիտամանկավարժական, ուսումնական արտադրական պրակտիկաների փոխադարձ կազմակերպում,
- թ) սովորողների ավարտական աշխատանքների, մագիստրոսական թեզերի փոխադարձ դեկավարում և գրախոսում, գիտակրթական և մեթոդական գրականության և մասնագիտական զարգացմանը նպաստող էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի, ուսումնամեթոդական ձեռնարկների մշակում և խմբագրում,
- ժ) համատեղ հանրապետական և միջազգային գիտաժողովների կազմակերպում,
- ժա) համատեղ կրթական, գիտական ուղղվածության դրամաշնորհային ծրագրերի իրականացում,
- ժբ) մյուս Կողմին արտաքին ֆինանսավորմամբ իրականացվող ծրագրերում՝ որպես գործընկեր ներգրավում,
- ժգ) Կողմերի իրականացրած այլ կրթական, գիտական, մշակութային ծրագրերին, կազմակերպած միջոցառումներին մասնակցություն:

### **3. Կողմերի իրավունքներն ու պարտականությունները**

- 3.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:
- 3.2. Համագործակցության նպատակով, Հուշագրի հիման վրա, Կողմերը պարտավորվում են.
  - ա) ժամանակին միմյանց փոխանցել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
  - բ) անվճար հիմունքներով խորհրդատվություն տրամադրել ծրագրերի ու միջոցառումների կազմակերպման ու անցկացման հարցերում,
  - գ) ապահովել անհրաժեշտ նյութական բազա և պայմաններ՝ համատեղ ծրագրեր իրականացնելու և միջոցառումներ անցկացնելու համար,
  - դ) նախօրոք տեղյակ պահել միմյանց համագործակցության ընթացքում առաջացող խնդիրների մասին և համատեղ ուժերով ապահովել դրանց լուծումը:

### **4. Հուշագիրն ուժի մեջ մտնելու և գործողության ժամկետը**

- 4.1. Հուշագիրը բաղկացած է 3 էջից և ուժի մեջ է մտնում Կողմերի ստորագրման պահից:

4.2. Հուշագիրը կնքվում է 5 տարի ժամկետով: Ժամկետը լրանալուց հետո, եթե որևէ կողմից այլ առաջարկություն չի լինում, ապա Հուշագրի գործունեության ժամկետն ինքնըստինքյան շարունակվում է եւս 5 տարի:

4.3. Հուշագիրը կարող է լուծվել Կողմերի փոխադարձ համաձայնությամբ:

4.4. Կողմերից մեկի նախաձեռնությամբ Հուշագրի դադարեցման անհրաժեշտության դեպքում մյուս Կողմը պետք է տեղեկանա այդ մասին գրավոր՝ ենթադրյալ լուծման պահից առնվազն 10 օր առաջ:

## 5. Եզրափակիչ դրույթներ

5.1. Հուշագիրը Կողմերի համար որևէ ֆինանսական պարտավորություն չի առաջացնում:

## 6. Կողմերի իրավաբանական հասցեները

«Շիրակի Մ. Նալբանդյանի անվան  
պետական համալսարան» հիմնադրամ

Հասցե՝ ք. Գյումրի, Պ. Սևակ 4

Էլ. հասցե՝ info@shsu.am

Հեռ.՝ (+374 312) 3 21 99

(+374 312) 6 94 94

Ֆաքս՝ (+374 312) 6 94 94

«Գավառի պետական համալսարան»  
հիմնադրամ

Հասցե՝ ք. Գավառ, Հրանտ Հակոբյան 1

Էլ. հասցե՝ rektor@gsu.am

Հեռ.՝ 374 (60)46-02-01

(374 264) 2 57 75

Ֆաքս՝ (060)460201

Ռեկտորի ժամանակավոր պաշտոնակատար


Երվանդ Մերոբյան



(ստորագրություն)

Ռեկտոր

Ռուզաննա Հակոբյան



(ստորագրություն)

Կ.Տ.



Կ.Տ.

